



24 MAR, 2023

## Op Letrik TNB-PDRM gempur 1,600 premis

Harian Metro, Malaysia



Page 1 of 2

# Op Letrik TNB-PDRM gempur 1,600 premis

**Kuala Lumpur:** Tenaga Nasional Berhad (TNB) dengan kerjasama Polis Diraja Malaysia (PDRM) menggempur kegiatan mencuri arus elektrik melalui lebih 1,600 serbuan dalam tempoh dua tahun lalu di seluruh Semenanjung bagi membendung kerugian besar kepada industri tenaga dan negara.

Presiden dan Ketua Pegawai Eksekutif TNB Datuk Baharin Din berkata, kerjasama strategik TNB dan PDRM itu memberikan impak positif dalam usaha membanteras perbuatan khianat khususnya membabitkan premis perlombongan mata wang kripto, bitcoin dan pengguna industri.

Katanya, TNB meningkatkan lagi kemudahan logistik pasukan PDRM dalam Op Letrik itu dengan menyumbang enam kenderaan pacuan empat roda dan 25 kontena bagi keperluan penyimpanan perkakasan rampasan.

“TNB dan PDRM me-

laksanakan operasi bersepadu bagi membendung kegiatan mencuri arus elektrik ini sejak November 2020.

“Sehingga Februari 2023, terdapat lebih 1,600 siri serbuan, sekali gus mengekang kerugian bernilai lebih RM278.49 juta direkodkan menerusi Op Letrik ini,” katanya dalam satu kenyataan, semalam.

Baharin menyerahkan kenderaan untuk kegunaan Jabatan Siasatan Jenayah (JSJ) itu kepada Ketua Polis Negara Tan Sri Acryl Sani Abdullah Sani sempena Peringatan Hari Polis ke-216 di Pusat Latihan Polis di sini, pada 20 Mac lalu disaksikan Menteri Dalam Negeri Datuk Seri Saifuddin Nasution Ismail.

Sumbangan itu diharapkan dapat melancarkan operasi Op Letrik bagi menggempur kegiatan mengambil bekalan elektrik secara curang, sekali gus mengelak kerugian kepada pengguna termasuk risiko bekalan kerap terputus.